

大同府志卷之二


大同府知府吳輔宏纂輯

星野

世曆諸侯之史皆掌著天文各論圖驗與春官保章氏相表裏顧其書或不傳後之堪輿家雖有邦國所入宿度非古數也唐李淳風撰晉天文志號稱精博然其分觜州郡躔次率多舛譌識者譏其蔽於天而不知地蓋分星辨國若斯之難也大同爲趙北鄙得漢代郡雲中鴈門定襄之地自漢以來言星野者度數起終小有不同類皆以昴畢爲趙分今攷据史志旁採衆說並繪列

星圖以俟後之善言天者志星野

昴宿圖



丹元子步天歌

昴七星一聚實不少阿西月東各一星阿下五黃天陰名
陰下六烏芻藁營南十六天死形河中六星名卷舌舌
中黑點天譏星礪石舌旁斜四下

占候

昴十一度下爲日月中道天之耳目也主西方主獄事又
爲旄頭甘氏云主口舌奏對若明大則君無佞臣天下安
和張衡云昴明則獄訟平天阿一星在胃東月一星在昴
東皆黑星又曰天阿主祭山林妖變天陰五星在畢柄西
主從天子弋獵之臣天死十六星在昴畢南如環狀天子

之苑圃養禽獸之所也主馬牛羊明則馬牛羊益芻藁六
星在苑西以供牛馬之食也一曰天積天子之藏府也星
盛則歲豐穰卷舌六星在昴北天譏之外主口語以知
僂張衡云主樞機曲而靜則賢人用天譏一星在卷舌中
主醫巫占與從官同礪石四星在五車北主磨礪鋒刃
晉志太阿卷舌天譏俱屬天市垣天苑在二十八宿之
外芻藁天陰月礪石晉志不載隋史有之武密又以芻
藁屬胃卷舌屬胃又屬昴乾象新書以芻藁屬婁卷舌
西三星屬胃東三星屬昴夾苑西八星屬胃南八星屬
昴步大歌以上諸星皆屬昴宿

躔度

昂七星距西南星去極七十度天阿一星去極六十六度
入胃宿十度月一星去極七十一度半入昂宿五度天陰
五星距西星去極七十五度半入胃宿七度天苑十六星
距東北星去極一百七度半入昂宿七度半芻藿六星距
西行中星去極一百八度入婁宿十一度卷舌六星去極
五十三度入昂宿初度天譏一星去極六十一度半入昂
宿半度礪石四星距南第二星去極六十五度入昂宿六
度

畢宿圖



丹元子步天歌

畢恰似瓜叉八星出附耳畢股一星光天街兩星畢背旁
天節耳下八烏輦畢上橫列六諸王王下四皂天高星節
下團圓九州城畢口斜對五車口車有三柱任縱橫車中
五箇天潢精潢畔咸池三黑星天關一星車腳邊參旗九
箇參車間旗下直建九旂連旂下十三烏天園九旂天園
參腳邊

占候

畢十七度主刀兵主戈獵其大星曰天高一曰邊將星明
太則遠人來貢天下安甘氏云畢主銜巷陰雨天之雨師

也明而定則天下安張衡云畢爲天馬昂畢間二星曰天
街主光之道也主伺候關梁又云主國界附耳一星在畢
下天高廉南隅主聽得失伺愆邪察不祥天節八星在畢
南主使臣之所持也宣威德於四方明則吉諸王六星在
五車南天漢之中主宗社藩屏王室也明則諸侯奉上天
平安天高四星在參旗西北近畢北臺榭之高主遠望氣
象望軍五星三柱九星共十四星在畢東北五車主天子
五兵張衡云天子兵車舍也西北曰天庫主太白泰也次
東北星曰天獄主辰星燕趙也次東南星曰天倉主歲星
主穀也中央星曰司空主鎮星楚也次西南星曰

惑魏也五星有變各以其所主占之三柱一曰三泉一曰
休一曰旗五星均明柱皆具卽入倉廩實五車三柱有變
各以其國占之天潢五星在五車中主河梁濟度之處也
咸池三星在五車中天潢南魚圉也天關一星在五車南
畢西北亦曰天門日月五星所行之道也主邊塞事主關
閉參旗九星在參西五車之間天旗也明而希則邊方不
動一曰天弓主弓弩之張候變禦難玉井西南九星曰九
旂天子之旗也主邊軍進退天苑之南十三星曰天園植
果菜之所也曲兩鉤則果菜熟

步天歌以天節九淵殊口附耳天高五車三柱天潢咸

池天欄天園諸星皆屬畢宿武密書以天節屬昴參旗
天關五車三柱俱屬觜乾象新書以天節參旗皆屬畢
天園西八星屬昴東五星亦屬畢五車北西南三大星
屬畢東二星及三柱屬參

躔度

畢八星距右股第一星去極七十五度天街二星距南星
去極七十五度入昴宿十度附耳一星去極七十七度入
畢宿三度天節八星距北星去極八十度半入畢宿三度
緒三六星距西星去極七十度入畢宿三度天高四度距
東星去極七十四度半入畢宿六度五車五星三柱九星

距大星去極四十七度半入畢宿八度半天潢五星距西
北星去極五十八度入畢宿十一度咸池三星距南星去
極五十一度入畢宿十一度半天關一星去極七十一度
半入觜宿初度參旗九星距南第一星大星去極八十七
度入畢宿六度九旂九星距南星去極一百一十三度入
畢宿十二度天園十三星距東北星去極一百二十四度
入畢宿五度

考證

周禮保章氏以星土辨九州之地鄭注昂畢冀州也

春秋元命苞畢散爲冀州分爲趙國立爲恒山宋均注恒

山昴畢之精

史記天官書昴畢冀州昴曰旄頭畢曰罕車昴畢間爲大
街其陰陰國其陽陽國正義曰昴畢爲大梁之次

漢天文志昴畢冀州又曰占於街北昴主之占於街南畢
主之地理志趙地昴畢之分野定襄雲中皆趙分也
後漢書馬融傳畢爲兵患至於分野并州是也

晉天文志昴畢趙冀州恒山入昴五度

隋地理志自昴七度至畢十一度爲大梁屬冀州

唐天文志昴昴畢大梁也昴得馬牧之氣與冀之北土同
占初昴四度餘二千五百四十九秒入太中昴六度終

畢九度自魏郡濁漳之北得全趙之分入北逾界山
代郡鴈門中定襄之地與北方之國九紀之果陽表
裏山河以著屏中國爲畢分循北河之衣西盡塞垣皆
髦頭故地爲昂分冀之北土馬牧之所蕃庶故天苑之
象存焉地理志代雲朔蔚等州爲大梁分

金厯志胃四度二十四分三十三秒外入趙分大梁之次
明天文志胃四度至畢六度大梁之次也山西布政司所
屬之太同府應朔渾源蔚四州皆具畢分

帝王世紀自胃至畢十度曰大梁之次於辰在酉謂之
作噩於律爲姑洗斗建在辰今趙分野

月令章句注胃一度至畢六度爲歲 明穀雨大梁趙分

容齋隨筆十二國分野止屬二十八宿其甚不可曉者莫

如晉天文志雍州爲秦其下乃荆楚中屬門定襄代郡

蓋自屬并州及幽州耳

明一統志大同府禹貢冀州之域據固屬并州天文界畢

分野

圖書編大同昂畢分野

嘉七星曰髦頭畢四星曰爲 爾雅曰濁

髮曰掩兎之畢或時爲深淵以名星蘇竟曰

畢同宮口大梁之賦之類爲冀蓋趙之分

〔北郡在天街之〕是爲陽國

大梁之次於辰在〔於周爲冀趙之分也〕
焉史記曰昂畢冀〔晉天文志曰自胃七〕
十一度爲大梁趙分野〔天文志曰胃昂畢大〕
也初胃四度餘二千五百四十九秒人太中昂十度
終畢六度天原發微曰胃七至十一辰酉曰作噩律
姑洗斗辰趙分費直周易分野曰起婁十度蔡邕月令
章句曰起胃一度金史曰胃四度二十四分三十三秒
外入趙分大梁之次雖度數起〔於稍有不同而大梁之〕
爲趙其占爲昂畢則無不同也

以上分野俱畢言又有五星者有主之北
斗者有占虛天市垣及安分四星者並附其說於後
辰連垣山冀州幽州并州大梁國召海其神主於恒山
彙星位焉

玉衡第八星主幽州常以丑寅日候之庚寅爲代郡第九
星主并州常以丑申日候之甲申爲河內申爲雲中
戊申爲定襄

天市垣二十星在房心東北東西列各十二星其東垣

南第一星曰宋第二星曰南海第三星曰燕第四星曰

東海第五星曰徐第六星曰吳越第七星曰齊第八星

曰中山第九星曰九河第十星曰趙第十一星曰魏一
須女下十二諸侯國有十六星齊一星在九坎之東齊北
二星曰趙趙北一星曰鄭鄭北一星曰越越東二星曰
周周東南北列二星曰秦秦南二星曰代代西一星曰
晉晉北一星曰韓韓北一星曰魏魏西一星曰楚楚南
一星曰燕其星有變各以其國占之

中台下星主冀招搖一星天鋒一星梗河三星天壘十二
星並主北邊

按州郡所入宿應璩漢皆不道晉書始本陳卓之說
著之天文志雍州爲秦其下乃列雲中定襄鴈門代